

Adierazpen instituzionalaren proposamena #ErregularizazioaOrain ekimenaren inguruan

Oñatiko EHBildu Udal taldeak eta EAJ Udal taldeak, honako hau adierazten dute:

- Azken zenbatespenen arabera, Espainiako estatuan administrazio-egoera irregularrean dauden 500.000 migratzaile inguru biziko lirateke, eta horietatik heren bat adingabeak izango lirateke.
- Atzerritarrek Espainian dituzten eskubide eta askatasunei edo atzerritar horiek gizarteratzeari buruzko 4/2000 Lege Organikoan egoitza-baimena lortzeko aurreikusitako irizpideak oso murriztaileak dira.
- Murrizketa horrek zaugarritasun-egoera larriak eragiten dizkie hura pairatzen duten pertsonei, eta horrek eragina du pertsona horien gizarte-bazterketan.
- Gizarte-bazterketa horrek eragina du hirian eta gizartean, oro har, eta ekarpen ekonomiko, fiskal eta jasangarri handia galtzen du funtsezko sektore produktiboetan, bereziki beharrezkoa gaur egungo krisi sozial eta ekonomikoaren testuinguruan.- ELGaren ministro-bilera batean joan den udan Inklusio, Gizarte Segurantza eta Migrazioetako ministro José Luis Escrivák adierazi zuenez, gertatzen ari dena, irregulartasun-aldi hain luzeekin, batzuetan zazpi edo zortzi urtera arte, ekonomia informal bat sortzen ari da, sektore askoren lan-baldintzen eta soldaten ginean beheranzko presioa egiten duena.
- 2022ko abuztuan, Estatuko Gobernuak Atzerritarrek Espainian dituzten eskubide eta askatasunei edo atzerritar horiek gizarteratzeari buruzko 4/2000 Lege Organikoaren Erregelamenduaren erreforma bat onartu zuen, lan-baimenak emateko izapideak malgutzeko, ekonomiaren eta lanpostu duin eta kalitatezkoen hazkundean eragiteko helburuarekin, baina gaur egun Espainiako Estatuan administrazio-egoera irregularrean bizi diren 500.000 pertsonen egoera konpontzen ez dutenak.
- Ezohiko erregularizazioaren mekanismoa Europar Batasunean erabili denez, 1996-2008 aldian 43 aldiz 17 estatu kidetan, horietako sei Espainiako estatuan.

- Ezohiko erregularizazio berrienak Portugalen eta Italian egin dira 2020an, COVID-19aren pandemian, eta Nazio Batuetako migratzaileen Giza Eskubideen aldeko Errelatore Bereziak neurri hori babesten du.

Arrazoi horiengatik eta Udalak herrian bizi diren pertsonen justizia sozialarekiko duen konpromisoarekin bat etorriz, Adierazpen Institutuzionalarentzat eduki hau proposatzen dugu:

LEHENENGOA: #ErregularizazioaOrain mugimendua babestea, Herri Ekimen Legegilea arautzen duen martxoaren 26ko 3/1984 Lege Organikoan aurreikusitakoaren arabera, 700 mila sinadura baino gehiago batu baititu Herri Ekimen Legegilerako, zeina dagoeneko Kongresuan baitago, Lan eta Gizarteratze Batzordean.

BIGARRENA: Diputatuen Kongresuan lege-proposamenaren hurrengo testu artikulatua aldatzeko eskatzea.

ATZERRITARRENTZAKO EZOHICO ERREGULARIZAZIOA EZARTZEN DUEN LEGEA


Artikulu bakarra: atzerritarrek Espainian dituzten eskubide eta askatasunei eta atzerritar horiek gizarteratzeari buruzko urtarrilaren 11ko 4/2000 Lege Organikoaren lehenengo xedapen iragankorra aldatzea.


Aldatu egiten da atzerritarrek Espainian dituzten eskubide eta askatasunei eta atzerritar horiek gizarteratzeari buruzko urtarrilaren 11ko 4/2000 Lege Organikoaren lehenengo xedapen iragankorra, eta honela idatzita geratzen da:

“Lehen xedapen iragankorra. Espainian dauden atzerritarren erregularizazioa. Gobernuak 6 hilabetetako prozedura ezarriko du Errege-Dekretu bidez, 2021eko azaroak 1a baino lehen espainiar lurraldean zeuden atzerritarren erregularizatze.”

HIRUGARRENA: Oñatiko Udalak migratzaileen eskubide eta askatasunekiko eta hiri eta gizarte bidezkoago, inklusiboago, anitzago eta demokratikoago baten aldeko borrokarekiko duen konpromisoa berrestea.

LAUGARRENA: Osoko Bilkuraren erabakia #ErregularizazioaOrain (#RegularizaciónYa) mugimenduari, Diputatuen Kongresuari eta Estatuko Gobernuari helaraztea.

E.H.Bildu

Izaro Elorza Arregui

EAJ

Ainhoa Galdos Olazar



Egiaztapen Kode Segurua/Código Seguro de Verificación: **SIERfcbd076d-640f-41d7-a3e3-00402b7c896b**

Dokumentu elektronikoko honen paperezko kopiaren osotasuna eta sinadura egiaztatzeke, sar ezazu egiaztapen kode segurua egoitza elektronikoan:
<https://uzt.gipuzkoa.eus?De=05910>

Compruebe la integridad y firma de la copia en papel de este documento electrónico, introduciendo el código seguro de verificación en la sede electrónica: <https://uzt.gipuzkoa.eus?De=05910>